

Anastasium Thessalonicensem huic vices suas per Illyricum mandantis, nec non ex multis Gregorij magni Papæ ad Episcopos Iustinianæ primæ, Salonæ, Sardicæ, Corinthiorum & Helladis, de quibus antea, & quibus varias eorum causas Patriarchæ munere fungens dijudicauit.

X.
EXARCHI SVB
PATRIARCHA
MAIORES DIOE
CESES REGEBANT.

Stet igitur diocesim Cōstantinopolitanam ex Thracia, Asia, Ponto & Barbaris prouincijs coaluisse. Sed ne putes tam amplas & longè distātes regiones ab vno Patriarcha Cōstantinopolitano administratas, aduerte quod si Præfectus Prætorio singulas Diöceses maiores per Vicarios in temporalibus regebat, easdem Patriarcha Constantinopolitanus per Exarchos seu Primates. Exarchi nomen multis commune est, & cum nihil nisi ex pluribus in aliquo ordine primum autoritate & dignitate significet (vnde & Primas Latine dicitur) ab antiquis etiam in vsibus prophanis, vt in Musica arteque saltatrice vsurpatum legitur, necnon ipsi Metropolitæ, quia primi erant suæ prouinciæ, Exarchi interdum dicti sunt, & Primates. [Exarchus autem diö-

a Balsam. in cap. 9.
Conc. Chalced. vt
supra.

cesis, inquit Balsamon^a, non vnus cuiusque prouinciæ Metropolitanus est, sed Metropolitanus totius diöcesis: diöcesis vero dicitur, quæ multas in se prouincias continet.] At Exarchos primis sæculis plane à Patriarchis distinctos extitisse clarissimum est in Canone nono Concilij Chalcedonensis, qui sic habet: [Si contra ipsius prouinciæ Metropolitanum Episcopum, Episcopus siue clericus habet controuersiam, pergat ad ipsius diöcesis Primatem, aut certè ad Constantinopolitanæ regiae ciuitatis sedem, vt eorū ibi proprium negotium exquiratur.] Num vides quomodo Patres huius-

b Idem in Can. 9 &
87. Conc. Chalced.

ce Concilij Exarchos medios inter Patriarcham & Metropolitanos constituunt? Hincque factum est, vt etiam medijs Concilijs subscripserint inter eosdem, proximi nempe post Patriarchas & nullo medio ante Metropolitanos. Eo ordine leguntur Flauianus Philippensium Episcopus nomine Thessalonicensis Exarchi seu Primatis Illyrici, Firmus Cæsareæ Cappadociæ Episcopus, & Memnon Ephesiorum Episcopus Concilio Ephesino: Sic etiam Quintillus Heracleæ Macedoniæ nomine Anastasij Thessalonicensis, Thalassius Episcopus Cæsareæ Cappadociæ, Stephanus Episcopus Ephesi, & Lucius Episcopus Byzæ nomine Cyriaci Heracleæ Thraciæ, Chalcedonensi. Et sic Elias Thessalonicensis, Theodorus Cæsareæ, Andreas Ephesi, Primus Carthaginis, & Megethius Heracleæ Constantinopolitano generali V.

XI.
SINGVLIS DIOE
CESIBVS SINGVL
EXARCHI PRÆ
FICIEBANTVR.

Quot autem fuerint sub Patriarcha Constantinopolitano si quæras, tot dicam quot Diöceses: Vnus Episcopus Ephesi Asiæ, alter Cæsareæ Ponto, & tertius Thraciæ præerat. Ideo sic subscribunt Philaletes & Theodorus epistolæ Synodi sextæ generalis ad Agathonem. [Philaletes Episcopus Cæsariensium Metropolis, primæ Cappadocum Prouinciæ, & Exarchus Ponticæ Diöcesis. Et Theodorus Episcopus Ephesiorum Metropolis & Exarchus Asianæ Diöcesis.] Cæterum sicut Vicarijs Præfecti Prætorio dictæ tres Diöceses maiores in ciuilibus suberant, ita earundem commissum erat regimen Ecclesiasticum Exarchis, qui eas ex suffragijs Synodalibus Episcoporum, & sub autoritate Patriarchæ Constantinopolitani administrabant, vt in Canone Concilij primi Constantinopolitani^c generalis legitur: [Qui vltra Diöcesim sunt Episcopi, ad Ecclesias extra fines positas ne accedant, & Ecclesias ne conturbent. Sed iuxta Canones Alexandrinus quidem Episcopus

c Concil. Constantinop. Can. 1.